



Broj: 06-45-13354/23
Sarajevo, 28.12.2023. godine

Na osnovu člana 70. Zakona o organizaciji organa uprave u FBiH („Sl.novine FBiH“ br. 35/05), a u vezi sa članom 70. stav (1) i stav (3) Zakona o javnim nabavkama Bosne i Hercegovine („Sl.glasnik BiH“ br.39/14 i 59/22), nakon provedenog Konkurentskog zahtjeva, a na osnovu Preporuke komisije za javne nabavke broj: 03-45-13188/23 od 27. 12. 2023. godine i Izvještaja Komisije za javnu nabavku, direktor Zavoda za izgradnju Kantona Sarajevo **d o n o s i** :

O D L U K U

o izboru najpovoljnijeg ponuđača

1. Dodjeljuje se ugovor za **„Zaštita informacionog Sistema , nabavka NGFW zaštite sa jednogodišnjom licencom i uslugom setovanja i intervencije u trajanju od jedne godine“** ponuđaču **„Logosoft“ d.o.o. Sarajevo** obzirom da je podnio prihvatljivu ponudu sa najnižom cijenom u skladu sa članom 64. stav (1) tačka b) Zakona o javnim nabavkama BiH („Službeni glasnik BiH“ broj 39/14 i 59/22).
2. Odbacuju se ponude ponuđača „Artco Group“ d.o.o. Sarajevo, „Nexis“ d.o.o. Sarajevo i „Didakta“ d.o.o. Sarajevo kao nepravilne u skladu sa članom 68. stav (4) tačka i.) Zakona o javnim nabavkama BiH
3. Ova Odluka objavit će se na web-stranici <http://zik.ks.gov.ba>, Zavoda za izgradnju Kantona Sarajevo istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6). Zakona o javnim nabavkama BiH.
4. Svi ponuđačima koji su dostavili ponude u predmetnom postupku javne nabavke dostavit će se Zapisnik o ocjeni ponuda broj: 03-45-13185/23 od 27. 12. 2023. godine u skladu sa članom 71. stav (2) Zakona o javnim nabavkama, koji čini sastavni dio ove Odluke.

O b r a z l o ž e n j e

Na osnovu Odluke o pokretanju postupka javnog nadmetanja broj: 06-45-12515/23 od 12.12.2023.godine Zavod za izgradnju Kantona Sarajevo je pokrenuo konkurentski zahtjev, pripremio tendersku dokumentaciju, objavio Obavještenje o nabavci broj: 285-7-1-87-3-38/23 na portalu javnih nabavki i u „Službenom glasniku BiH „ broj 86/23 od 22.12.2023. godine i objavio tendersku dokumentaciju za “Zaštita informacionog sistema, nabavka NGFW zaštite sa jednogodišnjom licencom i uslugom setovanja i intervencije u trajanju od jedne godine” na portalu javnih nabavki u skladu sa članom 53. stav (2) Zakona o javnim nabavkama BiH („ Službeni glasnik BiH “ br.39/14 i 59/22) i članom 8. stav (1) Uputstva o uslovima i načinu objavljivanja obavještenja i dostavljanja izvještaja u postupcima javnih nabavki na Portalu javnih nabavki („Službeni glasnik BiH“ br. 80/22).

Iz Izvještaja Komisije vidljivo je da se Komisija sastala dana 25.12.2023.godine, radi preuzimanja i otvaranja ponuda za “Zaštita informacionog sistema, nabavka NGFW zaštite sa jednogodišnjom licencom i uslugom setovanja i intervencije u trajanju od jedne godine” na kojem je konstatovala da su blagovremeno zaprimljene ponude ponuđača: „Nexis“ d.o.o. Sarajevo, „Artco group“ d.o.o. Sarajevo, „Logosoft“ d.o.o. Sarajevo, „Didakta“ d.o.o.Sarajevo.



Komisija je otvorila ponude navedenih ponuđača i iz „Obrasca za cijenu ponude“ i „Obrazca za ponudu“ pročitala ponuđene cijene ponude, dok su uslovi i način plaćanja bili zadati tenderskom dokumentacijom. Ostale dokumente na javnom otvaranju ponuda Komisija nije pregledala.

Iz Izvještaja Komisije vidljivo je da se Komisija ponovo sastala dana 25.12.2023. godine radi pregleda priloga iz dostavljenih ponuda, odnosno da bi utvrdila da li su ponuđači ispunili uslove iz člana 45. do 52. Zakona o javnim nabavkama BiH („Službeni glasnik BiH“ br. 39/14 i 59/22), da li su ponuđači dostavili **prihvatljive** ponude u skladu sa zahtjevima iz tenderske dokumentacije, te da li su ponuđači kvalifikovani za pružanje predmetne nabavke.

Komisija je konstatovala sljedeće :

Uvidom u ponudu ponuđača „ **NEXIS “d.o.o. Sarajevo**, komisija je utvrdila slijedeće:

- Tehničkom specifikacijom koja čini sastavni dio Tenderske dokumentacije kao i tačkom 9. predmetne TD propisano je da su ponuđači dužni dostaviti u ponudi potpisanu i ovjerenu izjavu kojom ugovornom organu dostavlja informaciju o proizvođaču, modelu i tipu ponuđene opreme. Uvidom u ponudu ponuđača „Nexis“ d.o.o. Sarajevo, Komisija je konstatovala da ponuđač „Nexis“ d.o.o. Sarajevo nije dostavio navedenu izjavu, kako je traženo Tenderskom dokumentacijom.
- Tenderskom dokumentacijom, tačka 13.4a) je propisano da su ponuđači u ponudi dužni dostaviti jednu potvrdu u vrijednosti najmanje 10.000,00 KM bez uračunatog PDV -a, kojom dokazuju uspješno iskustvo u isporuci istih ili sličnih roba, koje su predmet nabavke. Uvidom u ponudu ponuđača „Nexis“ d.o.o. Sarajevo, Komisija je konstatovala da je navedeni ponuđač dostavio potvrdu za usluge obnove licence i održavanja softvera, pa je evidentno da se radi o uslugama, a ne robama kako je traženo TD.
- Tačkom 13.3a.) Tenderske dokumentacije, a u svrhu dokazivanja ekonomsko – finansijske sposobnosti, ponuđač je u ponudi dužan dostaviti kopiju izvještaja od strane Centralne banke BiH. Uvidom u ponudu ponuđača „Nexis“ d.o.o. Sarajevo, Komisija je konstatovala da u ponudi nije dostavljen navedeni izvještaj.

Zbog svega naprijed navedenog, komisija je zauzela stav da ponuda ponuđača „ Nexis,, d.o.o. Sarajevo, **neppravilna**, te da se ponuda navedenog ponuđača odbaci u skladu sa članom 68. stav (4) tačka i) Zakona o javnim nabavkama („Službeni glasnik BiH“ broj 39/14 i 59/22) odnosno iz razloga što ponuda nije potpuna i ne ispunjava zahtjeve iz tenderske dokumentacije.

Uvidom u ponudu ponuđača „ **ARTCO GROUP ,, d.o.o. Sarajevo**, komisija je utvrdila slijedeće:

- Tehničkom specifikacijom koja čini sastavni dio Tenderske dokumentacije kao i tačkom 9. predmetne TD propisano je da su ponuđači dužni dostaviti u ponudi potpisanu i ovjerenu izjavu kojom ugovornom organu dostavlja informaciju o proizvođaču, modelu i tipu ponuđene opreme. Uvidom u ponudu ponuđača „ARTCO“ d.o.o. Sarajevo, Komisija je konstatovala da ponuđač „ARTCO“ d.o.o. Sarajevo nije dostavio navedenu izjavu, kako je traženo Tenderskom dokumentacijom.

Zbog svega naprijed navedenog, komisija je zauzela stav da ponuda ponuđača „ Artco group ,,d.o.o. Sarajevo **neppravilna**, te da se ponuda navedenog ponuđača odbaci u skladu sa članom 68. stav (4) tačka i) Zakona o



javnim nabavkama („Službeni glasnik BiH“ broj 39/14 i 59/22) odnosno iz razloga što ponuda nije potpuna i ne ispunjava zahtjeve iz tenderske dokumentacije.

Uvidom u ponudu ponuđača „ **Logosoft** „, d.o.o.Sarajevo, komisija je utvrdila sljedeće :

- Ponuđač „**Logosoft**“ d.o.o. Sarajevo dostavio je prihvatljivu ponudu i ispunio sve uslove iz prava učešća propisane članom 45. do 52. Zakona o javnim nabavkama BiH („Službeni glasnik BiH br.39/14), sve minimalne uslove propisane tačkama 12. i 13. tenderske dokumentacije i dostavio sve potrebne dokumente u skladu sa tačkom 14. tenderske dokumentacije, pa je ponuda ponuđača „Expertiza“ d.o.o. Sarajevo **prihvatljiva**.

Uvidom u ponudu ponuđača „ **Didakta** „, d.o.o.Sarajevo, komisija je utvrdila sljedeće :

- Tehničkom specifikacijom koja čini sastavni dio Tenderske dokumentacije kao i tačkom 9. predmetne TD propisano je da su ponuđači dužni dostaviti u ponudi potpisanu i ovjerenu izjavu kojom ugovornom organu dostavlja informaciju o proizvođaču, modelu i tipu ponuđene opreme. Uvidom u ponudu ponuđača „Didakta“d.o.o. Sarajevo, Komisija je konstatovala da ponuđač „Didakta“ d.o.o.Sarajevo nije dostavio navedenu izjavu, kako je traženo Tenderskom dokumentacijom.
- Tenderskom dokumentacijom, tačka 13.4a) je propisano da su ponuđači u ponudi dužni dostaviti jednu potvrdu u vrijednosti najmanje 10.000,00 KM bez uračunatog PDV -a , kojom dokazuju uspješno iskustvo u isporuci istih ili sličnih roba, koje su predmet nabavke . Uvidom u ponudu ponuđača „Didakta“ d.o.o.Sarajevo, Komisija je konstatovala da je navedeni ponuđač nije dostavio potvrdu kako je traženo TD.
- Tačkom 13.3a.) Tenderske dokumentacije , a u svrhu dokazivanja ekonomsko – finansijske sposobnosti, ponuđač je u ponudi dužan dostaviti kopiju izvještaja od strane Centralne banke BiH.Uvidom u ponudu ponuđača „Didakta“d.o.o. Sarajevo, Komisija je konstatovala da u ponudi nije dostavljen navedeni izvještaj.

Zbog svega naprijed navedenog , komisija je zauzela stav da ponuda ponuđača „ Didakta „d.o.o. Sarajevo **nepravilna**, te da se ponuda navedenog ponuđača odbaci u skladu sa članom 68. stav (4) tačka i) Zakona o javnim nabavkama („Službeni glasnik BiH“ broj 39/14 i 59/22), odnosno iz razloga što ponuda nije potpuna i ne ispunjava zahtjeve iz tenderske dokumentacije.

Nakon izvršene računске kontrole prihvaćene ponude, Komisija je konstatovala da su prihvaćeni ponuđači dostavili računski tačne ponude.

Komisija je u skladu sa članom 64. stav (1) tačka b) Zakona o javnim nabavkama BiH („Službeni glasnik BiH br.39/14 i 59/22) po kriteriju **najniža cijena prihvatljive** ponude sačinila redoslijed prihvatljivih ponuda po osnovu cijena sa bez PDV-a:

1. „ **Logosoft**“ d.o.o.Sarajevo **22.000,00 KM**



Bosnia and Herzegovina
Federation of Bosnia and Herzegovina

CANTON SARAJEVO
Institute for Construction of Canton Sarajevo

Tenderskom dokumentacijom je predviđeno da se u predmetnom postupku javne nabavke u skladu sa Pravilnikom o uslovima i načinu korištenja e-aukcije („Službeni glasnik BiH, br.66/16) provede e-aukcija. Obzirom da je dostavljena jedna prihvatljiva ponuda Ugovorni organ nije zakazao, niti proveo e-aukciju, a u skladu sa Pravilnikom o uslovima i načinu korištenja e-aukcije („Službeni glasnik BiH, br.66/16) član 3. stav (3) koji glasi „U slučaju prijema jedne prihvatljive ponude e-aukcija se ne može zakazati, nego se postupak okončava u skladu sa članom 69. Zakona“.

Komisija je predložila ugovornom organu da se u skladu sa članom 68. stav (4) tačka i) Zakona o javnim nabavkama BiH **odbace kao nepravilne ponude** ponuđača „Nexis“ d.o.o. Sarajevo, „Artco group“ d.o.o. Sarajevo i „Didakta“ d.o.o. Sarajevo, te da se u skladu sa članom 64. stav (1) tačka b) Zakona o javnim nabavkama BiH ugovor za „Zaštitu informacionog sistema, nabavka NGFW zaštite sa jednogodišnjom licencom i uslugom setovanja i intervencije u trajanju od jedne godine“, **dodijeli ponuđaču „LOGOSOFT“ d.o.o. Sarajevo**, obzirom da je u predmetnom postupku ponudio prihvatljivu ponudu sa najnižom cijenom u iznosu od 22.000,00KM bez PDV-a, odnosno 25.740,00 KM sa PDV-om.

POUKA O PRAVNOM LIJEKU:

Protiv ove Odluke ponuđač može izjaviti žalbu Uredu za razmatranje žalbi putem Ugovornog organa. Žalba se izjavljuje Ugovornom organu, u pisanoj formi direktno na Protokol ugovornog organa ili preporučenom poštom, u roku od 5 (pet) dana od dana prijema ove odluke o izboru najpovoljnijeg ponuđača. Žalba se podnosi u najmanje 3 (tri) primjerka.

DOSTAVITI :

1. „Nexis“ d.o.o. Sarajevo
2. „Artco group“ d.o.o. Sarajevo
3. „Didakta“ d.o.o. Sarajevo
4. „Logosoft“ d.o.o. Sarajevo

Direktor
Belma Barčev, dipl. ing. arh.